

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 13 a. stav (1). alineja 4. Odluke o preuzimanju prava osnivača Javne ustanove "Kantonalni zavod za zaštitu kulturno - historijskog i prirodnog naslijeđa Sarajevo" ("Službene novine Kantona Sarajevo", broj 3/99 - Prečišćeni tekst, 18/02, 33/07 i 1/13), Vlada Kantona Sarajevo, na 52. vanrednoj sjednici održanoj 09.04.2021. godine, donijela je

**RJEŠENJE
O RAZRJEŠENJU DIREKTORA JAVNE USTANOVE
"KANTONALNI ZAVOD ZA ZAŠTITU KULTURNO-
HISTORIJSKOG I PRIRODNOG NASLIJEĐA
SARAJEVO"**

I

Nervin Dacić razrješava se dužnosti direktora Javne ustanove "Kantonalni zavod za zaštitu kulturno-historijskog i prirodnog naslijeđa Sarajevo", jer Skupština Kantona Sarajevo nije usvojila Izvještaj o radu i finansijskom poslovanju za 2019. godinu.

II

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-17056-8/21
09. aprila 2021. godine
Sarajevo

Premijer
Edin Forto, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 10. stav (5) i (6) Zakona o izvršavanju Budžeta Kantona Sarajevo za 2020. godinu ("Službene novine Kantona Sarajevo", broj 10/20, 18/20 i 29/20), Vlada Kantona Sarajevo, na 15. sjednici održanoj 25.03.2021. godine, donijela je

ZAKLJUČAK

1. Prihvata se Izvještaj o korištenju sredstava Tekuće rezerve iz Budžeta Kantona Sarajevo za period od 01.01. do 31.12.2020. godine.
2. Izvještaj o korištenju sredstava Tekuće rezerve iz Budžeta Kantona Sarajevo za period od 01.01. do 31.12.2020. godine dostavit će se Skupštini Kantona Sarajevo, radi informisanja.
3. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-12146-8/21
25. marta 2021. godine
Sarajevo

Premijer
Edin Forto, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 9., a u vezi sa članom 1. Pravilnika o organiziranju i načinu rada Kriznog štaba Federalnog ministarstva zdravstva ("Službene novine Federacije BiH", broj 10/12), a u vezi sa Odlukom Ustavnog suda Bosne i Hercegovine (AP 3683/20 od dana 22.12.2020. godine) ("Službene novine Federacije BiH", broj 16/21), na prijedlog Kriznog štaba Ministarstva zdravstva Kantona Sarajevo, Vlada Kantona Sarajevo, na 57. vanredne sjednici održanoj 16.04.2021. godine, donijela je

ZAKLJUČAK

1. Odgojno-obrazovni proces za učenike razredne nastave od 1. do 4./5. razreda javnih i privatnih osnovnih škola i učenike paralelnih škola realizirat će se u prostorijama škole po kombinovanom modelu, a u skladu sa Uputstvom Ministarstva za odgoj i obrazovanje broj 11/04-34-2024-3/21 od 02.02.2021. godine (prečišćeni tekst) i izmjenom Uputstva Ministarstva za odgoj i obrazovanje broj 11/04-34-2024-4/21 od 12.02.2021. godine. Učenici predmetne

nastave nastavljaju pohađati nastavu online u skladu sa Uputstvom Ministarstva za odgoj i obrazovanje broj 11/04-34-2024-4/21 od 11.03.2021. godine.

2. Odgojno-obrazovni proces za učenike trećeg razreda javnih i privatnih srednjih škola i sve učenike JU Srednja muzička škola realizirat će se u prostorijama škole po kombinovanom modelu, a u skladu sa Uputstvom Ministarstva za odgoj i obrazovanje broj 11/04-34-2024-3/21 od 02.02.2021. godine (prečišćeni tekst). Učenici 1., 2. i 4. razreda srednje škole nastavljaju pohađati nastavu online u skladu sa Uputstvom Ministarstva za odgoj i obrazovanje Kantona Sarajevo broj 11/04-34-2024-4/21 od 11.03.2021. godine.
3. Dozvoljava se korištenje javnih bazena djeci sa poteškoćama u razvoju i njihovoj pratnji.
4. Produžava se primjena ostalih Naredbi i Preporuka Kriznog štaba Ministarstva zdravstva Kantona Sarajevo usvojenih Zaključcima Vlade Kantona Sarajevo broj 02-04-17055-2/21 od 09.04.2021. godine, broj 02-04-10017-26/21 od 18.03.2021. godine, broj 02-04-13319-5/21 od 26.03.2021. godine, broj 02-04-14991-4/21 od 01.04.2021. godine i broj 02-04-14991-4.1/21 od 01.04.2021. godine.
5. Vlada Kantona Sarajevo, će pratiti epidemiološku situaciju u Kantonu Sarajevo, te će u skladu sa utvrđenim stanjem i preporukama Kriznog štaba Ministarstva zdravstva Kantona Sarajevo po potrebi revidirati donesene mjere.
6. Ovaj zaključak stupa na snagu danom donošenja, a primjenjivat će se od 19.04.2021. godine do 26.04.2021. godine do 5 sati jutro i objavit će se u "Službenim novinama Kantona Sarajevo".

Broj 02-04-18308-2/21
16. aprila 2021. godine
Sarajevo

Premijer
Edin Forto, s. r.

Ministarstvo privrede Kantona Sarajevo

Na osnovu člana 63. stav (3) i člana 82 b. stav (4) Zakona o turizmu ("Službene novine Kantona Sarajevo", br. 19/16, 31/17, 34/17 - Ispravka i 13/21), ministar privrede Kantona Sarajevo donosi

**PRAVILNIK
O DOPUNI PRAVILNIKA O DJELATNOSTIMA
OBAVEZNIH ČLANOVA TURISTIČKE ZAJEDNICE
KANTONA SARAJEVO**

Član 1.

(Dodavanje novog člana 3 a.)

U Pravilniku o djelatnostima obaveznih članova Turističke zajednice Kantona Sarajevo ("Službene novine Kantona Sarajevo", br. 44/13, 2/18 i 12/18) iza člana 3. dodaje se novi član 3 a. koji glasi:

"Član 3 a.

(Primjena člana 82 b. stav (3) Zakona)

Član 82 b. stav (3) Zakona o turizmu ("Službene novine Kantona Sarajevo", br. 19/16, 31/17, 34/17 - Ispravka i 13/21) primjenjuje se na sljedeće djelatnosti u skladu sa Odlukom o klasifikaciji djelatnosti Bosne i Hercegovine 2010 ("Službeni glasnik BiH", broj 47/10) i to:

- (47.63) Trgovina na malo muzičkim i videozapisima u specijaliziranim prodavnicama;
- (47.71) Trgovina na malo odjećom u specijaliziranim prodavnicama;
- (47.72) Trgovina na malo obućom i proizvodima od kože u specijaliziranim prodavnicama;
- (47.8) Trgovina na malo na štandovima i tržnicama;
- (47.9) Trgovina na malo izvan prodavnica, štandova i tržnica;
- (49.32) Taksi služba;
- (49.39) Ostali kopneni prijevoz putnika, d. n.;
- (51.1) Zračni prijevoz putnika;
- (52.23) Uslužne djelatnosti u vezi sa zračnim prijevozom;
- (55) Smještaj;
- (56) Djelatnosti pripreme i usluživanja hrane i pića;

- (60) Emitiranje programa;
 (73.1) Promocija (reklama i propaganda);
 (74.2) Fotografске djelatnosti;
 (74.3) Prevodilačke djelatnosti i usluge tumača;
 (77.11) Iznajmljivanje i davanje u zakup (leasing) automobila i motornih vozila lake kategorije;
 (77.21) Iznajmljivanje i davanje u zakup (leasing) opreme za rekreaciju i sport;
 (79) Putničke agencije, organizatori putovanja, turoperatori i ostale rezervacijske usluge te djelatnosti u vezi s njima;
 (82.3) Organizacija sastanaka i poslovnih sajmova;
 (90) Kreativne, umjetničke i zabavne djelatnosti;
 (93.13) Fitnes centri;
 (93.21) Djelatnosti zabavnih i tematskih parkova;
 (93.29) Ostale zabavne i rekreacijske djelatnosti, i
 (96.04) Djelatnosti za njegu i održavanje tijela."

Član 2.

(Stupanje na snagu)

Ovaj Pravilnik stupa na snagu danom objavljivanja u "Službenim novinama Kantona Sarajevo".

Broj 07-02-02-17085/21
 09. aprila 2021. godine
 Sarajevo

Ministar
Adnan Delić, s. r.

GRAD SARAJEVO**Gradsko vijeće**

Na osnovu člana 26. stav 1. tačka 5. i člana 40. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), a u vezi sa članom 12. Poslovnika Gradskog vijeća Grada Sarajeva ("Službene novine Kantona Sarajevo", br. 28/09, 11/20 i 19/20), Gradsko vijeće Grada Sarajeva, na Konstituirajućoj sjednici održanoj dana 08.04.2021. godine, donijelo je

ODLUKU**O IZBORU GRADONAČELNICE GRADA SARAJEVA**

I

Benamina Karić izabrana je za gradonačelnicu Grada Sarajeva.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-GV-02-310/21
 08. aprila 2021. godine
 Sarajevo

Predsjedavajući
 Gradskog vijeća
Jasmin Ademović, s. r.

Na osnovu člana 26. stav 1. tačka 5. i člana 41. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), a u vezi sa članom 13. Poslovnika Gradskog vijeća Grada Sarajeva ("Službene novine Kantona Sarajevo", br. 28/09, 11/20 i 19/20), Gradsko vijeće Grada Sarajeva, na Konstituirajućoj sjednici održanoj dana 08.04.2021. godine, donijelo je

ODLUKU**O IZBORU ZAMJENICE GRADONAČELNICE GRADA SARAJEVA**

I

Anja Margetić izabrana je za zamjenicu gradonačelnice Grada Sarajeva.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-GV-02-311/21
 08. aprila 2021. godine
 Sarajevo

Predsjedavajući
 Gradskog vijeća
Jasmin Ademović, s. r.

Na osnovu člana 26. stav 1. tačka 5. i člana 41. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), a u vezi sa članom 13. Poslovnika Gradskog vijeća Grada Sarajeva ("Službene novine Kantona Sarajevo", br. 28/09, 11/20 i 19/20), Gradsko vijeće Grada Sarajeva, na Konstituirajućoj sjednici održanoj dana 08.04.2021. godine, donijelo je

ODLUKU**O IZBORU ZAMJENIKA GRADONAČELNICE GRADA SARAJEVA**

I

Haris Bašić izabran je za zamjenika gradonačelnice Grada Sarajeva.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-GV-02-312/21
 08. aprila 2021. godine
 Sarajevo

Predsjedavajući
 Gradskog vijeća
Jasmin Ademović, s. r.

OPĆINA ILIDŽA**Općinski načelnik**

U skladu sa članom 3. i 5. Pravilnika o utvrđivanju i načinu vođenja Registra budžetskih korisnika budžeta u Federaciji BiH ("Službene novine Federacije BiH", br. 30/14), članom 2. i 4. Odluke o uspostavi Registra budžetskih korisnika Općine Ilidža br. 06-14-2428/18 od 09.05.2018. godine, uspostavlja se

REGISTAR**BUDŽETSKIH KORISNIKA OPĆINE ILIDŽA ZA 2022. GODINU**

Redni broj budžetskog korisnika iz Registra (RBK broj)	Naziv budžetskog korisnika	ID broj	Adresa budžetskog korisnika
01	05	09	10
01	OPĆINA ILIDŽA	4200319 720000	Butmirska cesta br.12

Broj 02-11-1759/21
 07. aprila 2021. godine
 Ilidža

Općinski načelnik
Nermin Muzur, s. r.

OPĆINA NOVO SARAJEVO**Općinsko vijeće**

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 19. stav 1. alineja 7. i člana 145. stav 3. Statuta Općine Novo Sarajevo ("Službene novine Kantona Sarajevo", br. 5/20 - Prečišćeni tekst i 20/20 - Ispravka), Općinsko vijeće Novo Sarajevo, na 3. redovnoj sjednici, održanoj dana 30.03.2021. godine, donijelo je

ODLUKU**O PRIVREMENOM UMANJENJU MJESEČNIH NAKNADA ZA ZAKUP POSLOVNIH PROSTORA I NAKNADA ZA PRIVREMENO KORIŠTENJE JAVNIH POVRŠINA NA PODRUČJU OPĆINE NOVO SARAJEVO****I - OPĆE ODREDBE**

Član 1.

(Predmet regulisanja)

Ovom Odlukom utvrđuju se uslovi i način umanjenja mjesečnih naknada za zakup poslovnih prostorija i naknada za korištenje javnih površina za period 01.03.2021.- 31.05.2021. godine, kao mjera ublažavanja negativnih posljedica uzrokovanih korona virusom COVID-19.